

Saša Bursać

Zatražio od Vijeća ministara BiH dopunu odgovora na pitanje s 42. sjednice Doma, održane 14.2.2013., i 47. sjednice Doma, održane 18.4.2013., na sljedeći način: „A dobio sam odgovor na pitanje koje sam postavio u vezi CITES-a, gdje stoji da je Ministarstvo pripremilo odluku o uslovima i načinu provođenja Konvencije o međunarodnoj trgovini ugroženim vrstama divljih životinja i biljaka i ona je dostavljena na mišljenje nadležnim institucijama u RS-u i Federaciji BiH. Ja sam baš ovo pitanje i postavio zato što su me inicirale neke moje kolege iz RS-a i oni kažu da je problem do Vijeća ministara BiH. Evo, Vijeće ministara BiH kaže da je uputilo mišljenje tamo, ne znam možda postoje problemi i u Federaciji, vjerovatno postoje. Pa evo, ja bih samo ako može da se, neću reći da se vrati pitanje prethodno, nego gdje je stalo do toga da nema mišljenja iz RS-a i Federacije BiH, pa vas molim, znači da se dopuni.”

Pitanje s 42. sjednice Doma održane 14.2.2013. upućeno Ministarstvu vanjske trgovine i ekonomskih odnosa BiH glasilo je: “Kada će u Bosni i Hercegovini zaživjeti CITES kao i u 175 zemalja članica Ujedinjenih naroda?”

Dopunjeno pitanje s 47. sjednice Doma, održane 18.4.2013., glasilo je: “Evo, da i ja prokomentiram svoje pitanje. Ja sam postavio veoma jasno pitanje i dobio sam odgovor koji je jasan, ali ne na moje postavljeno pitanje. Znači, ja sam pitao kada će u BiH zaživjeti CITES kao i u 175 članica UN-a, međutim nisam, da sam pitao da li neko u BiH radi na zaživljavanju CITES-a, onda bi to bio pravi odgovor, a ovako nemam, znači kada će se to desiti. Ne mogu reći da odgovor, ne mogu kritizirati ni ovo što je napisano, znači do kraja, jer zaista, znači za vas kolege poslanike koji eventualno ne znaju i ne poznaju ovu materiju odgovor je, znači ušlo se dobro u odgovor, međutim, na kraju, kaže se da se tu trenutno aktivno radi na uspostavljanju ... itd. Ali to nije bilo moje pitanje. Znači, želim da mi se bar približno kaže, npr. bit će ove ili one godine, bit će u ovom ili u onom dijelu ove ili one godine. Znači, mislim da ako se ovako vrijedno radi, to može biti i za 20 godina. Ali mene baš zanima da li će to biti za godinu, dvije ili 20. Znači, ako može moja primjedba.”